

子

布穀邑人云撥穀 爾雅鳴鳩鵲郭注今之布穀也江東呼爲穫穀本草拾遺又呼郭公畿輔通志云保定人呼爲歌穀又呼爲郭嫂打婆今邑人呼爲光棍拖鋤雖農人因其鳴聲而附會之然光棍乃郭公之聲轉拖鋤乃撥穀之聲轉也此鳥於三四月間桑椹熟時食椹則鳴食多則醉而墜於樹下農人往往拾得之卽詩所謂吁嗟鳩兮無食桑椹者也

鼪鼠呼爲黃鼪 郭璞曰鼪似鼯青黃色大尾啖鼠江東呼爲鼪鼪輔通志曰狀如鼠身長尾大氣臊臭健於捕

卷十七

故實志

三

鼠及禽畜莊子所謂騏驥捕鼠不如鼪鼪者也其毫與尾可作筆今人亦呼黃鼪狼

以上方言起自近古於載籍有徵者

凡事少遲謂之待會

欲速謂之急如星火

如讀若於

作事草率謂之三下五除二

借用算經語

遇事敷衍謂之水過地皮濕

至極謂之頂頂讀如挺

野外謂之窪

鰥夫謂之光棍漢

好惡同人謂之隨和

土豪謂之光棍

此與前土棍同義但土棍有厭惡意光棍有稱贊意

再醮婦謂之後婚

事有成心謂之特故意